

LYCAONIA.

ICONIVM Notitiæ antiquæ Græcæ, & Ptolem. lib. 5. cap. 6. vulgò *Cōgni*, ciuitas Lycaoniæ, in qua Concilium circa baptismum hæreticorum celebratum fuisse tradit Eusebius lib. 7. historiæ Ecclesiasticæ cap. 6. *Amphilochius* Iconij Metropolis vrbis Lycaoniæ Antistes dicitur apud Theodoretum lib. 4. historiæ Ecclesiasticæ cap. 10. & *Nicomachus* apud eundem lib. 7. cap. 22.

LYSTRA Notitiæ eid. *Paulus* Episcopus Lystræ Concilio Constantinopolitano primo subscripsit.

ONASADE Notitiæ eidem. *Conon* Antistes Onasadæ habetur in Concilio Constantinopolitano generali sexto.

AMBLADA Strab. lib. 12. & Notitiæ eidem. *Diomedes* Ambladensis Episcopus Concilio Chalced. subscripsit, & *Seuerus* Constantinopolitano primo.

HONOMADA Notitiæ eidem. *Cyrillus* Honomadensis, Concilio Constantinopolitano primo interfuit, & *Tyrannus* Honomadorum, Chalcedonensi.

LARANDA Ptolem. vbi suprâ: antiquum nomen hodie retinet, & *Neon* eius Antistes dicitur apud Eusebium lib. 6. historiæ Ecclesiasticæ. cap. 13.

BARATTHA Ptolem. ibid. *Epiphanius* Barathæus Lycaoniæ Præsul est in Concilio Constantinopol. sub Agapeto & Menna.

DERBE Notitiæ, & Ptol. ibid. *Daphnus* Derbensis Episcopus in Lycaonia legitur in Concilio Constantinopolitano primo.

HYDA Notitiæ eidem. *Theodosius* Hydensis Episcopus Concilio Constantinopolitano primo interfuit, & *Rufus* Hydæ, Chalcedonensi.

SABATRA Notitiæ eidem & Ptol. lib. 5. cap. 4. *Aristophanes* Sobarensis fortè pro Sabatrensis Episcopus Concilio Constantinopolitano primo subscripsit, & *Eustathius* Sauatorum, qui alijs Ebagenorum, Antistes dicitur act. 6. Concilij Chalcedonensis.

CANNA Ptolem. lib. 5. cap. 6. *Eustathius* Episcopus Cannensis adfuit Concilio Constantinopolitano primo, & *Eugenius* Cannorum, Chalcedonensi.

BERINOPOLIS dictæ Notitiæ: à qua Bereni populi. *Theodosius* Berenorum Episcopus dicitur in Concilio Constantinopolitano generali sexto.

ILISTRVM lib. Conc. Elistra Notitiæ antiquæ Græcæ. *Onesimus* Ilistri Episcopus in Concilio Chalcedonensi legitur sub Iconio.

PERTE Notitiæ antiquæ. *Leontius* Episcopus Pergensis, pro Pertensis, Concilio Constantinopol. primo subscripsit.

ARANA libro Conciliorum. *Eugenij* Episcopi Aranæ meminit Concil. Chalced. sub Onesiphoro Metropolitano Iconij.

ISAVRA Ptolem. lib. 5. cap. 4. alijs Isauropolis, *Æthius* Isauropolis in